

集部

欽定四庫全書等等

詳校官監察御史臣曹 坦

中書劉源溥覆勘

覆校官中書臣 康儀到 校對官中書日楊世綸 腾绿翠人臣史 堂

欠足り最合語 欽定四庫全書 容春堂後集日錄 卷二 卷 雜著 碑銘 記 容春堂後集

金万口是石雪山 程 卷 基 基 基 基 基 器 名 。 日鋒

以上了~~~~~~~~~~~~~~~~~~~~~~~~~~~~~~~~~~~~	墓碑銘	神道碑銘	卷七	墓碣銘	塔銘	俟歸銘	石表
2							

古詩	古樂府	29	卷九	祭文	祝文	卷八	傳	多完四库全書
								14.

とこうらんたか 卷十 行 五言律五言維有 禽言 客奉堂後集

一部分四月全書 と言絶句 卷十三 卷十四 七言律 詞

							-	41-4-1-4-1-4-1-4-1-4-1-4-1-4-1-4-1-4-1-
一人 己口后 小かり		I	i			i	i	1
$\cong$			}					! ]
E		1					i	
ij		l						
El		Ì	l					
RI		l	1					本
M		j						書
2-		l	1					書簡
5		1					1	桶
4		1	l					124
1							l	
7		1	1		'	'	1	)
- 1						,	1	
		l	1					
		1	1				l	1
客		}	j					
剧		l						l
		1	]					
继		1						
容春堂後集		<u>!</u>						
林		l						1
								1
		ĺ						
Ì								ĺĺ
1								
- 1								
- 1								l
四								
$\dashv$								
1								
1								
			1					i
_				ا ــــــــــــــــــــــــــــــــــــ				
	_==:							

	 	<del></del>	
			金元日月
: !			ויקוווט
			缉

こうき 7: LI 容春堂後集 夫士者不 盖久矣某今人也不 其義至於祭馬奏馬 明 邵實 撰 **|曹無位也以是而左之右之曰昭曰楊非古之義而** 而 從之亦有不得不然者父昭子穆無世不有謂無始 胡行唐所擬者嘗頒行之庶人祭三代則曾祖居中士 左右之列不可行於今乎吾廟為四楹間中為三室虚 可廢乎左昭右穆無地不有謂無中愈而可廢乎今 所謂昭穆者幽明之義未能協於古吾知之矣而 上祭四代非左右其奚置哉置以左右則昭穆之名 以俟祧主之截盖小宗之道如此是中雖無主而未 袓 謂

**贞四月全書** 

突其來如移自遐逃誰琢且追而復考擊金分玉分聲 吾之分也雖不選其敢解諸 之位也某令人也不敢行古禮酌古之義而今馬是從 在兹石兮 汝聲介汝德于以考之先祖之側其永無沩 温 家廟石磬銘 楊正甫英石銘 ): Lī 砚銘 谷春堂宴集

鑑子惟觀屛馬以障異用並施原亦有尚我屛我障 置諸歲寒良友 殊義同汝革汝從惟金在豁功在斯文而不自有左右 暑有發冰寒有益火既濟且和調劑在我彼男我硯制 動定四庫全書 在之後前左右釋兹在兹知風之自弗障亦可我心 如找鑑在我 屛鑑銘 無州像對

西曹一 學淵源公性堅定無事至殆忘其有為有物交益知 先無虚於名下也 光前價勇退急流食不遑暇斯人也吾當聞其先君子 之節於東山翁矣乃今徵乎其平生信矣哉有明於 州當專城郡作別駕厥初京府位尹之亞威聲肅如後 うしこう 月未足盡公之才東鎮三年未足盡公之政公 死已公 像之實非 張企齊先生像費全 暫其谁宜為哉知己公像之赞 白野堂後果 章德行加重馬公亦蘇張公實於母黨稱 謂舅 實於

正者夫 北多男兮天以告 銀定匹庫全書 者不知其謂公何以予觀公盖百折於世逢而不失其 有子惟百四其軸誰為茲圖為嗣祝告失其一令也復 無競中歲極江湖之幽憂晚景遂山林之高與時之 復舊物贊 鐵器 百子圖一 馬有此 **大識**四云 而有 之抬 一庚子陸永翰氏歸 無耳好成化初失之正四寸圓徑尺有八寸狀 我初 論

是尚 次定日年 公言 追兮琢兮三其角叶兮我有嘉賓以薦玉兮 吾置之庭銘其上器不可假名不可強神予相之永圖 玄金質馬近縣象扣之有聲納有量舊物來歸義 洛神圖一 雕漆盤一狀如檳榔天順 **甫氏以春** 鷂失 工之何正 球德南圓 歸楊 找正 簡氏以歸我 壬 初荆

詩咏稼稽書稱構堂盤于古訓曰寫不忘家曰幹盤國 以擊子 魏人之賦令畫以書荒哉事也衛風之餘子尚觀之亦 曰 金グログ 旋觀幾于跡地以受塵時以受服吏有瀉洲隱無盤 服動古有良士君惟其人幻壯敏殭者艾静逸世務 秋原藜杖春渚蘭舟人亦有言與造物游 龔守誠像贊 雲南憲副許君像贊 石油 巷

事父如天事母如地允兹在兹其何敢替無貳爾心有 日 也凶惡何以致之有刑惟徳未老而請歸臥林邱古亦 有人勇退急流太史作銘竊附我贊國有春秋鄉有 西臺之望南泉之聲洗冤澤物有德惟刑今也善良昔 上帝文王我 · · · : 四事 有不能忘故 師日三王季 The tra In how this 吉假于者 者繪也子 於於安事 是性性男女君 也子欲 氏 於姑 言也 外妻

男位乎外女位乎内兹惟義類我惟坤乾則莫我敢 亦成其夫乎 一分定四庫全書 妻之言齊妾之言接命之不猶敢不就業古有思禮而 我櫛我巾小物是勤無貽君子之累 用父事男用母事姑我思古人是究是圖非自成己柳 右婦事舅姑 右子事父母 右妻事夫子 3

趣降升下上一氣孔神凡天下之黃髮台背皆其身也 鐵為杖兮若人超関風兮歷崑崙下無地兮上無天掛 孰儲爾精南極之星孰擬爾形古之丹青或謂星其人 其生無始其沒無終南極輝輝與天無窮 .. 可多 / 1215 取節禮勝則離恩勝則媒 壽星費 僊人畫贊 右妾事女君 容春堂後集

風塵 扶桑兮少弭忽入水馬生麟變復化兮莫測空遺像 西 则 鶴 贞四月全重 漁震澤之演東熊鴻山之野短褐蕭然公何為者海 戲東樓仕勘夙夜之節舎將謂何學達春秋之權用 執是直而見點蓋嘗聞諸士師敗以為榮抑何愧於 聲天空月明我歌離縣故事先生 希翁小像質其 前刑部即中東樓黃君像資 請孫

古篆今符壯附辭尊之義舊鄉新築晚從習隱之倫有 人知君之共事要其成物數其實至于小大無時或失 **冠晃琊玉晨趨于朝人知君之勞端拜稽首仰瞻重** 樓可謂百年而無知已乎 |史氏歸與曾日月之幾時懷矣極江湖之萬里於戲車 欠とり見 云誰之知曰惟天日 陸南康趨朝像贊 瘦竹居士贊 1 W 容春堂後集 Ł

塵語不云乎君子人與君子人也 象且得其神是故在朝在野挺其如玉而能自拔乎風 幻 訛有信既不計夫前勞而後逸無得無丧又何知夫彼 家所藏書曰古之遺身所被服曰今之制無座有恒不 而斯真蓋君當自為之號曰瘦竹居士論者謂得 何假於私諡或披斯圖而問馬亦惟曰松邱處士潘 故藝道存繼述之人望流傳聞之世生既謝乎公徵 潘 松邱像贊

金少四厘月章

其氏也 聖司自 白馬 山澤哉而深忠爱之念江湖哉而勤孝養之心無憾哉 歌田羣争於揖讓跡寓碧山之中名徽青雲之上曰老 今人古冠志馬是尚子以德訓母以色養振大雅於統 弟從之為師而鄉人稱之為丈也 而傳康疆無恙或有問馬則操几杖噫若人者宜乎午 玉林 新像贊 汪良用像贊 闡 容春堂後集

此吾師西涯先生李文正公小像也先生费後 為鄉鳥有為家 東方仙人衣被雲霞手一碩果來從海涯曰三十歲 子路之米有濟哉卜式之金宜哉若人遐哉徳音尚亦 有餘情哉煙水之舫風泉之琴 金罗四周有量 一華人開此言皆笑其誇我欲扣之山深水涯無何 題東方先生畫像 記先師文正公小像

代為用尚矣斧之柯制必以木或患其弱故有以鐵為 謁墓退則謁於斯勤且弗褻之道也丁丑秋七月朔 之思耳聽松庵某世墓所在旬月必一至擇静室懸鳥 生不可作矣得斯像而特展馬亦足以慰我拳鬱無涯 書中蓋先生為學士時所畫於今三十餘年矣烏乎先 てこすしここう 說在尚實世與得之某皆侍先生當竊觀於架上亂 曰漢之時當遣繡衣使者持斧巡行郡國盖斧以擊 司為鐵柯劉公傳論 Ū 容存堂後集

動坑四庫全書 覆公餘其形渥凶上九曰鳥玉鉉大吉无不利鳥器也 而先之以明繼之以貞斯無負於柯矣其司勉公之謂 之者柯勁而斧之用益利雖然執柯者人也人有剛德 主器莫若長子國英以之毛家婦也折足而覆餗不止 秦國英之妻毛疾病筮之遇馬之升其四爻曰馬折足 何待且足折矣雖有釤將馬用之變後而象非類猶 **叙筮二首** 

華伯姬歸寧而病筮之遇乾之大有曰雅龍在天利見 告也 定己日見 二等 人為病然乾為父為君姬之見父猶臣見君也見既利 矣雖病何害馬且剛而之柔固婦人之所也其將復必 蘇建責大將軍青觀古名將所招選擇賢者勉之而 府長史亦以士無所進論為大司馬車騎将軍安世 龍動物也春夏飛而東蟄秋就潜矣象之非時於 小試諸生策問四首 容春堂後集

扩 一機當其時二君子者一則以何與謝一則以何知謝不 出於他書耶如其無也後儒亦有補之者耶不然請擬 仁義禮吾聞之矣智之為訓則未之聞也豈有之而別 知其所與所知者果有所在乎亡也 知 以補之者 仁義禮智性之四徳六經四子蓋多稱之子朱子釋 詩春秋之存抑何以哉諸生必有能言之者 秦滅六籍禮壞樂的尚書殘逸惟易以卜筮故存

金少口

有量

之 問予讀史見有問絳 有 者 こうし 所為問者而 汲黯 何 三登 如人 得有數行湖御 贈 古贈文凤南史 秦都憲有序 其對馬者亦必有以也諸生為我者又有問顏真你作何狀者當其 箋爲備成而中 一致武肯告巫 其我績在別秦 侯 各日本 · 公國華 · 公國華 周勃 然之懋與實聲 何 以愛而聞病以 如人者 碧而兹尚餘巡 一何狀者當其時 瑩不行書閉撫 然敢又笺居贊 張相 以輕超奏念理 澤也選出吾之 如何 蓋檢伊歷國命 藏吾 始 桌 聲将 如 之篋欲藩學徃

金丘四庫全書 武昌之西有樓曰黃鶴 侈談之或曰非也山名黄鵠由東北是來西 飛 耳雖然此不足深辯予當登之得大觀馬書稱 動之勢故以是為鎮蓋堪與家說也調觀 物也古授序先和久 即日物從以民爰矣 今不 贈者 書有 啓正 之可人伊書作冉月 物古其爽既子涇之 也之固間而得東望 相傳以為仙者遺跡自唐以來 宜進三之堂 哉馬織於閉而 口或之登門得 居曰重者謝吉 今何襲三客天 之珍加其乃開 時重藉古始日 姑若又與執明 合是卜笺筆恵 類也是 距 是日日稱 惟風 可以以謹昔以

飲定四車全書 巴陵勝縣在洞庭一湖信哉言乎曰吾觀范記盖云方 漢朝宗于海實於斯在夫海則遠矣而勢必趣馬有不 記之未作也勝固在湖也厥既有記則勝不在湖而 予當登岳陽樓讀高平范氏之記徘徊臨眺久之或曰 道固如是夫 不得不合所謂以異而同有協恭之義爲人臣事君之 馬耳夫江岷出也漢幡出也其所由來者異至是而勢 過者朝云宗云蓋取諸觀禮以名其勢而并得夫心 i 容春堂後集

所 堂之高則爱其民又曰先天下之憂而憂後天下之樂 觀察江南西道也前所不便及所願欲而不得者公至 滕 而觀于古今之作獨取昌黎所為記馬其稱王中丞之 而樂蓋古仁人之為心如此而四三言者盡之此天下 斯文矣然則何謂曰記曰處江湖之遠則憂其君處廟 勝也雖然君子讀是而感發馬固亦斯樓之勝哉者 王閣者為江南臨觀第一王勃氏序之盡矣予當登 謂亦吳楚而浮乾坤者則奚庸愈於此

景而先政昌黎公於是乎善記蓋今去王中 以今變物與心違雖有湖山其如人之不自得何故 景其大致有二畅如也肅如也恒暢則荒恒肅則厲時 たこりき とう 之日皆罷行之春生秋殺陽開陰閉令修於庭户數日 年矣尚見其所為景者雖未為賦猶賦也 間而人自得於湖山千里之外鳥乎斯人之為 遠神逸與斯樓稱哉或曰此何與夫臨觀曰天下 歴代 鐘門計識跋 容容重发果 何

Ì

之為尤難神明在人無小大一也子夙志古經籍欲有 皆無尚筆乃知宗仁之能昌其書者盖稽古之力宏矣 符篆以精博稱良史公卿大夫問古文者必宗仁馬屬 仁手揭宋薛尚功氏所編刻者也宗仁昔在禮部有事 金岁四月至書 夫古之文不用於今今所用者符篆之外無幾馬然嘗 而予為尤子視學江西屬之尤數今觀是本點點畫畫 右歷代鐘馬我識二十卷致臨江照磨事吾邑陸寬宗 諸昌黎凡為文辭宜略識字識之非難用之為難造

九月日 二十 鵝湖華文遠名其奉母之堂曰寶該蓋勵孝也勵孝則 流動也其人雖往詩與字可使無傳馬哉 東川作詩如其作字其作字如其為人蓋無一不軒 纇 東川已矣邁往之氣猶見於點畫之間而豐厚盈溢又 述馬而未能也盖於是魏宗仁因書而歸之 有福者餌不克永年何哉 東川墨蹟跋二首 題實首圖 容春堂後集 40

壽所病乎壽者莫大乎憂憂者情之所不能無也孝子 足以忘親之憂則雖千里之遠將力求馬况吾階度間 無憂矣有如萬一孝子之所不敢必也於此聞有物馬 之道聽於無聲視於無形何獨於憂而不然人謂華母 假物以忘之夫天下之爱莫大於親人子之願莫大乎 為祖母賢子在前孫曾在下左右無違何憂之有而欲 馬得該草言樹之背婦人欲自忘其憂云爾華母為母 何取乎該該忘也該之為草食之令人忘憂故名詩曰

金少口屋 有書

唇曲顧熊居許褻服以侍清論某之幸也非所敢望 十矣 某病餘體力尚歉未能具衣冠肅客敢謝屈玉之重倘 以說親矣該哉該哉孰大於是圖為正徳已已作於沈 氣弱不能多言久坐敢謝不敏 石田氏越六年甲戊文遠視子請題之於是華母年 哉不是之寶又馬寶之此文遠氏之心也充是心也可 てこうし ここ 病起賓位咨目 1 子子上发

激但筋力為禮非老者所宜而某也病餘又弗能代為 隱者也是以敢褻服不敢野服也敢褻服情也不敢 冠不能野服乎曰何敢野服隱者之服也予病者也非 家母仰荷上恩叨享壽康兹届誕辰重運惠顧無任感 **劉定四庫全書** 某病餘閒居常藥服見客客有謂予曰子以力不能衣 答拜敢以一揖請惟俯從之 野服對 太淑人壽日賔位咨目 老一生

陸他有父之喪二年未葵於是將葵其外祖侯氏問 服 欽定四庫全書 1 也凡諸外事既莫之與其使諸弟往馬亦可也 禮也客曰然 邵子邵子曰禮三年之喪雖功衰不吊自諸侯達 如有服而將往哭之則服其服而往今也會葵外 視諸此而已矣若謂父未葵則德也長也為之主 **峇陸徳問** 續復舊物贊 长不堂後集 十六

十七年還於我堂於乎先澤其何敢忘有常一方山水蒼蒼畫者癡黃我簽以歲而逸于荒六歲成賣處溪都光極氏訪以歸我赞曰養諸孫時失之吾母太淑人言常及馬正養於殿畫一上有王梧溪楊鐵遂二詩先曾 容春堂後集卷一

飲定四車全書 之命當是時臣得歸養幸矣上優馬故特韶如此臣不 初不許復請則許省視給道里費以歸歸又請乃有侍卷 上之六年正德辛未臣實承之中外之二十八年凡十 欽定四庫全書 遷至今官明年壬申臣以母太淑人老疏請終養上 容春堂後集卷二 記計四 碑銘二 奉韶侍養之堂記 容春堂後集 明 邵寳 撰

一堂哉惟君命之祭哉臣愚敢不圖所以為報者然臣病 章敷貫載揭堂相君子謂夫語也其為旌也孰大於是 再矣語是以有别予風紀之臣上有貞節之母之語宸 未之敢言臣心缺馬臣母之再受點也於是臣陳情者 年而先臣奪臣臣母守節五十有五年於令得旌門臣 咫尺載瞻載稱以康吾母堂哉惟君命之重哉臣生三 歲時節序於斯臣母及臣生之日皆鶴且拜於斯惟天 德何以承之越四年乃作斯堂臣奉母朝於斯夕於斯

弟通判侃義民傅知州僖及從子御史李瓊皆有助馬 是公起征蜀功成上有白金文綺之賜公謹以從事公 州公祠於郡城玄妙道院之左榜曰忠烈别家祠也於 臣實謹記 子主事達時為諸生奉命以共越五年丁丑考成仇 正徳壬中今致政右都御史莆田林公俊新作始祖邵 矣臣於是乎愧詩曰中心蔵之何日忘之户部左侍 莆田林氏忠烈祠碑銘有序

とこう p とよう

容春堂後集

考賴庄公繼圖之未就惟以田易令基至吾伯兄見素 家而邵州之祠以力未建國朝吾祖教授敬齊公暨吾 上籍陳義對決國史郡志皆以忠烈稱於我林所謂始 其地時邵州十三世孫宗正寺簿應成始為小宗祠於 九子皆刺史是稱九牧邵州公蘊其六也初邵州為西 使來屬某書曰惟我林之先得姓最遠唐睦州刺史被 祖百世不遷者舊有祠在聯桂坊宋時入郡學今禮殿 川節度推官劉闢叛逆力抗不屈繼掌湧景書記程權

金月四月月十

D

**尼巴田里 三号** 砰将歲月是紀敢以為請某當從公觀林氏世譜而 庶之賢者與廣馬此皆議自吾兄聚以為允惟麗性有 有賢如邵州者鄉人祠馬而宗祠乃缺族且蕃兵顔 別室以示瞻仰而不敢為位懼偕也祭畢而飯邵州 獻禮具有儀式邵州以下稱賢者則分繪於東西序之 公始克為之祠中像邵州歲冬至祭小宗之子孫攝 親盡之後世祠而不世科祭以大宗小宗助馬禮也 史志允矣邵州之為賢也惟家之有不遷之祖尚矣 容養堂後集

敦邇而風遠固當自其家始推邵州之心而視諸其族 科抗關諭權忠義則多兹維盛德世百宜祀鄉人則然 始某辱公知然不敏不敢與知祠敢刻兹銘銘曰林 凡所當鄉力不顧私且圖繼之以義田公又將自兹 可以義起也者斯其近之矣公賢者也禮義所由出馬 而族合於下有萃濕之道馬傳所謂禮雖先王未之有 非分而弗敢繼曾謂宗之人不如鄉乎且祖祠於上 邵州其六世德惟休為前望族廪廪邵州始起文

金好四屋台書

卷二

欽定四庫全書 溪之始遷實自元宣教府君以宣教為大宗而諸宗從 憲貞臣曰是在我是咨是圖祠與其可上有功賜廼材 西溪汪氏先祠者其族孫燦等即故基而建馬者也西 矧其 孫子子孫孔行孰肇而祠有族弗合以歲以時都 **廼傭宗人聞命亦罔弗從吉日考成肅儀備物堂堂邵** 南面紳易於宗曰祖於郡曰賢君子曰允我詩其傳 歙縣西溪汪氏先祠記 容春堂後集

越 ·馬爾乎祠之制中為堂三間奉越國像晃笏命服南 故自唐至於今郡之人皆祠之蓋神之也而古城東關 諸漢之竇融其於鄉也生有保障之功没有禱祈之應 越 者西溪之所自遷也禮有義起先民則然爆也將是 國起兵於隋論者擬諸秦之吳为歸命於唐論者 國公宋加封忠烈王何居越國於今三十有五世 公何居司農於今十有二世矣又上宗於其始祖唐 矣

馬禮也今之祠乃上宗於其古城東關之祖宋司農少

十有七人中堂之前為堂五間如古榭之制歲時享於 定四軍全書 言曰古有宗法今之祠於古無所當也子曰人之言然 再從弟也以故吏故不遠千里請予請記且述夫人之 鄉之人謂是祠也於皆為盛九江推官致仕沒者燦之 斯薦於斯熊羣族於斯前門後寢夾廳周垣無不具備 **儼臨蓋猶神之也東為堂三間中祠司農公自司農以** 祠宣教府君自宜以下齒德之有稱者左右附凡六世 下仕隱之有聲者左右耐凡四世九人西為堂三間中 容春堂後集

然不曰繫之以姓而弗別綴之以食而弗殊雖百世而 馬亦可也越國遠矣澤之在撤者猶未民也自鄉達 郡其為祠不一凡郡之人見汪氏之人者必曰此越 古無所當也予曰人之言然然不曰冬至祭始祖立春 之後也見西溪之人者又必曰此司農之後也夫然則 而隆於族以族人之義而萃於祠越國馬可也司農 先祖君子之論然乎雖然吾有所取馬者以鄉人之 烟不通者先王之道然乎又曰古有祭禮今之祠於 國

次足口見在馬 蓋左右之祠建於正徳庚午八月越明年辛未四月祠 節管徐塘東為壽戲比卒而莫時用選其母於竹橋而 啓壽山之阡太學生鄒望國表上以葬其父時用府 成族之有助於祠者名於碑陰 與馬者乎嫁於族為長實是馬倡沒壓前某縣知縣某 其族之人豈能忘諸或忘爲時假於祠本源之心有不 而因以遷其祖良節公及其伯父時楊甫者也先是良 鄒氏啓壽山新阡記 容春堂後集

安矣父有不思其子者乎子有不思其父者乎兄及弟 禮緣情而節文之者也今夫屋不庇風雨則居不安茍 或謂葵其父而必遷其祖及其伯氏於禮何居君子曰 大父左而伯父其右則而父既卒望行之如時用之志 而時用卒將卒治命望者亦先於是曰遷乃成葵中而 日兹弗利時用曰惟兹弗利實惟我先人體魄弗寧故 合馬其仲子時揚科封樹既成值家多故而浮言胥動 吾弗足恤吾寧忍於先人乎於是乎有遷之圖未及圖 ij 用府君亭於左右者六以居文刻右一堂儲祭器水流 者嘉之也阡有堂三中祠良節公左祠時楊甫右祠時 某月某日乃會而冀原曰九曲鄉曰泰伯其名啓壽山 平行之時用卒於正徳甲戌夏阡於是卜越明年乙亥 者與哉時用之志固良節之志也望也奉治命從事亦 秋阡成冬十有二月某日二極遷自徐塘又明年两子 原諸情而已矣情出於義則禮可起不然則否望聞而 有不得思者乎死之墓生之居也死者有知亦何異生

大七日 日 白馬

Ų

容春堂後集

子兄弟有之於是平書 富能訓又曰純其藝泰稷以孝養殿父母予謂鄒氏父 指揮使望其長子也頃以阡成與疾指予請記書曰資 蘇之子例授承事郎時揚諱翹時用諱納例授蘇州衛 山之蒼蒼其正色耶其草木之葱鬱者然耶山有草木 其前西通震澤東合於鵝湖良節諱珊湖廣通道知縣 其葱然鬱然者固草木之色也山無草木者亦多有之 垂り口 A A THE 西青小隱記

**着其正色耶其草木之慈鬱者然耶夫椒之西峰曰西** 青山人謂山有諸峰而是峰獨擅是色故名歸之其所 於地而突乎天中得天之氣是以其色若是也山之蒼 草木者同矣今夫地之上凡虚空者皆天之氣也山起 而觀馬亦夫色也及乎數十里之外則蒼着之色與有 ここりしここ 君師聖築室其下名曰小隱師舜通經學古博雅多文 有草木固無加於諸峰也揆之吾前於論其不然耶錢 吾當迫而觀馬其質土也石也其色亦土也石也少遠 公春堂发集

山之所以為山也或曰師舜攻辭章故然或曰師舜習 為文事之具者皆備外有田數十畝挹湖水灌之足以 著馬亦固其理也因山而得夫士之道遂為師舜記之 乎雖然山之氣盛而草木蕃馬士之道隆而詞章威儀 威儀故然信斯言也是以山之色獨歸諸草木也而可 之言見師舜之行莫不賢之此師舜之所以為師舜猶 盖士之秀者也譬之山馬得天之氣多矣故凡聞師舜 小隱者為屋數楹屋前後植竹千挺中蔵書數千卷凡

18定四库全書

忠宣公當体於此能以家訓惠民民到於今稱之侯於 斯至是落馬侯以文正范公語顏之曰後樂蓋文正子 壬申歲西充馬侯汝載繼知府事 春月政成乃有事於 有退食所監且久地前知府選安李侯某欲為堂未果 正徳乙亥秋八月徳安府新作後樂堂成府聽事後故 亥冬十月二泉邵某記 供客山人謂之莊君子過馬為之賦詩者若干人歲 後樂堂記 於學里多其

銀定四庫全書 先爱存乎知幾後樂存乎知務知幾之至則憂不得不 故憂樂恒易其所自一郡邑以至天下蓋多有之是故 是得師馬是之取爾同知樂平陶君某仰來致書以侯 先知務之至則樂不得不後後云後云非自介用逆術 子樂以天下憂以天下君子之情於是至矣至公乃復 **行醉飽而曰姑徐徐云爾之謂也書曰不惟不敢亦不** 有先後之論馬何居天下之憂樂一也惟夫見人人殊 志請記予病餘閉居不敢與聞天下之事然嘗聞諸孟 巻えりてよ

也懋者成績蓋聞忠宣之風而興起馬者子與侯之兄 飲定四車全售 官吏部員外郎出知雅州起為今官用威濟惠革溥從 乎憂勤而已非古仁人其孰能與於此能言後樂者文 服蓋君子之情如此雖然天下樂矣則奚事之從昔者 至於天下何獨不然然則君子於此亦曰始乎憂勤終 夫子論宗德嘗曰先事後得論仁又曰先難後獲德與 正之徒也德安之政於是中可觀矣侯名禽以進士歷 仁吾事也夫以得獲為後則所謂事者固其所先者也 容春堂後集

為細不書 嘗一再見之罰稱家學馬氏為盛君子觀候之樹立亦 正德於酉秋七月蕭山縣新修儒學成學故在縣之某 豈待夫德安之徵也哉侯修舉於治者備矣美矣於侯 禮部尚書紫屋先生於翰林侯初舉進士子在户部亦 隅自某年始建於今若干年挠椒傾圯殆不可居先是 故浙江布政使汝礪同舉進士因得拜其先大夫南京 蕭山縣新修儒學記

繼以甚兩殿與先聖清像皆致侯於是加意圖之既句 次足四戶 15 月羣材復具且節畫以共至是以成告秋八月既望徐 然以為已任越明年壬申禮殿南構秋七月颶風大 提學憲副海陵徐君宣之至而餘修之政行爲侯乃慨 弗稱亞令買而拓之時知縣事休寧吳侯瓚實始與役 |吳君汝和相顧以嘆議圖新馬謂其南個於民田位置 未幾吳擢知州以去而江浦王侯瑋以進士來繼會令 未春監察御史海陵張君元德以巡按至則與象政 容春堂後集

|白居原食山林湖海罔有逸游而,库序之廢者興大哉 是乎有諸院含蓋自周衰至於宋其變不一其大較可 五万口 知也我明之與監於前代而先王時若學必本諸經說 邁來請記惟道術裂而學無恒宗於是乎有諸師人才 君觀而嘉之則屬楊教諭武余訓渠縊使諸生徐行韓 有貢三年有舉而人才之進者專自郡祖己命官簡徒 者必本諸程朱氏而道術之裂者合士游库序比年 而仕無恒途於是中有諸科库序廢而仕無恒居於 屋有量

是為文缺是為病惟徳輔世於學成矣而文虚病廢雖 .... 學馬君子謂之非學今是學也基缺於南聚以為病也 以傳則閣而尊爲師以是授弟子以是受體是為德貌 於是先聖先師盡是以則則祠而冀馬經訓典籍載是 孟子而孟子則聞諸舜之命契蓋萬世教學之道莫大 學其誰倡之今夫學必有堂堂之榜皆曰明倫蓋取諸 其屋廬之椒則新是圖馬非良有司其誰任之非賢典 聖誤實為天運而道久化成蓋有出於司存之外者若 江东堂发来

固有厚望馬徐君學政最諸潘其屬斯記也豈徒欲去 此固學者事也又非教馬者所與力也而奉部作人者 勉馬而復之以無改厥常比之致力於物者其艱為甚 彼風雨之振陵我殿宇敗壞我像設者矣儆馬而支之 窮居達用我東吾偷而危險荐臨厥或病之則固有若 所與力也雖然此猶其常耳若夫時有升降世有隆汗 或缺馬可謂之學中此教馬者與學馬者事也非有司 則圖而方之必截然畫一而後為稱別吾所謂倫者而

多定匹庫全書

馬先曰廢寺之租曰微旨之贖則所謂節畫者也古重 **徵瑞樓者監察御史海虞陳君元羽奉母之居也元羽** 方故其用約其所出曰公楮之直祭政君所檄致實是 以修書有故故也其虧為白金八百兩有竒蓋會程有 民力而是役無專飲馬故附書之 左學右專有常制而門無齊含各莫厥所其事實作而 ī )書哉實不敏蓋亦嘗與聞是者請以為諸生告廟 徴瑞樓記 24.14.13

舒定四庫全書 尾級若旅下去地二尺所而止餘峰從而周旋馬者蓋 姑堂成之日有蜂數千若順自天一巨蜂止於梁羣蜂 長者之唇惟我先舅姑當作具慶之堂以奉我祖舅祖 将舉震觞太孺人出房西向再拜謝曰老婦不徳敢動 爾也而親之好侍固亦宜之歲丙子某月某日惟太孺 之養元習之為斯樓盖大七十之壽欲為稱廣者重馬 之母譚太孺人於是年七十矣而康寧順適以享元習 人始生之辰鄉之君子自某官某公而下若干人登樓 ĬĹ 卷二月月月

題其樓之楣曰徵稿又誦其望關之言而曰吾母知尊 賜何以致此既乃遍謝諸客元習肅客族於堂而退越 敢當也吾雖不幸稱未亡人幸有二子繼舉進士察為 次定四草全島 四 君矣題其此牖之楣曰北望復自序其事詣予請記子 明日元習再誦太孺人對客之言而曰吾母知尊祖矣 之餘慶也其敢忘諸於是退啓北牖望聞稽首曰非君 御史寒為國史檢討吾今老矣切兹榮號此固吾祖考 不知其數君子曰瑞也詩而歌之者若干人先舅姑未 容春堂後集 古

在兹叔維没迄今未及六十年而二孫者皆位於朝官 禮義鄉稱長者大父叔維甫孝德尤者所以致瑞蓋其 其子孫必有徵之者矣吾聞元習之大父繼芳南敦尚 調夫父子之道篇於家而君臣之義將達於國乎其身 蜂之稱瑞於陳氏也何居易曰有父子然後有君臣盖 惟天人之際至微而顯至遠而近惟盡乎人者能知之 天之道如此蜂之為物能知君臣者也瑞云瑞云其諸 舎人而求天非鑿則荒其究也誣君子所不道也然則

金り口力と

反己の自己時 一 微耶顯耶君子之言固非舎人而求天者太孺人述之 莫是為大瑞之徵有不在兹乎所謂天道者近耶遠耶 泰伯鄉君存正以思約名齋而告於子曰吾父讀論 所以記吾樓也請書以歸刻諸樓中為他日稱壽者誦 且有禮馬可以傅矣予則何以加諸元習再拜曰此固 以史為名天下之法萬世之論各有司存盖君臣之差 思約齊記 容春堂後集 艺

吾父之心之所存也自矢永久弗怠蓋當齊沐而走於 鄉人義動公府凡為約之效者將次第而效之吾與弟 失矣之悲不可釋也退而求諸心以思約自號以為是 某侍吾母孀居數十年而弟又天没某每謁祠墓亡矣 承之以至今日惟先徳是頼徳之嗣惟約是宗而恵及 方與而不幸奄棄有子四人两兄早世而某也不肯獨 之因以名齋且為別號馬惟吾父勤一生以為業禮義 金牙四個有量 至以約失之者鮮矣當廢書而數謂是一言可終身行

飲定四車全書 子二名不偏諱可也二號而偏稱之何居子知存正久 之別號猶名也已號之則人稱之肯以稱父而今以稱 古有諱禮所以廣敬也父母之名口不得言也尚矣今 之爱之見之稱謂胥效未已存正蓋於此乎有之雖然 用其思今之人乃有欲加於是者凡親之別號思之慕 之君子於親之亡也凡其居處笑語志意樂嗜無所不 生有以教之子曰孝哉存正可謂有人子之心者矣古 錫欖於茅峰於雲巖於岱宗要盟大神而猶未已惟先 容春堂後集

言而信存乎德行此古君子之道也存正以為何如存 其如禮何書曰慎乃儉德惟懷永圖易曰點而成之 之言如見古君子矣請書以銘吾齊 神曷若以心首能充之孝不可勝用矣如以稱馬而己 矣凡存正之為可以言孝不可以言禮禮所以成孝也 正起再拜曰倫方慕字令君子之道而未及乎是開 有人子之心而要之以禮約之思其將由斯乎且盟以

次足口巨 A 馬 沒龔有分田或謂時亨盡取諸時亨曰有節在辭馬而 諸時亨曰難父於吾猶吾父也父在吾何忍去比景福 景福氏既冠有室而景福之子節乃生或謂時亨孟去 芳曰特亨鄒服乘氏之介子也切以姐故母命子於孽 |制為四楹間虚其中左右各為一室奉鄒龔二父主以 請記於予予日斯禮也吾未之前聞也吾惡乎記諸繼 報德堂者龔泰時亨以祠先者也堂構於蓉湖別業其 二姚配生卒二忌各於是致享馬堂成則介潘繼芳氏 容春堂後集

馬亦非吾事也非吾事而缺馬於吾心有不能自己者 是故其報然而其禮然也斯不可記乎子曰斯禮也吾 弟則主存祠馬非吾事也鄉則有兄矣有兄則宗存祠 他大矣成我者與等泰皆不能忘也然龔則有弟矣有 龍於是若干年矣初時亨之為斯堂也戚然曰生我之 一巻以力於室於器皆然盖籍以鄭立而名若字猶繁之 爾矣今夫世之人固有化於廳負而忘其本始者不然 固未之前聞也雖然時亨之情如子之言則有可取馬

金少世屋有量

欽定四庫全書 尤重是故君子於其學之無也固先望之其廢也固重 樂者心之爲吾夫子生而地為闕里望擊於天下後世 遂書以歸 時亨之情數繼芳曰斯固時亨之情也斯不亦可記乎 也盖詩有之曰欲報之德昊天罔極又曰無德不報 **兖治於滋陽古魯地也魯在春秋為望國列國之觀禮** 朝同室而暮路人者亦多有之此其情於時享何如 兖州府滋陽縣學記 容春堂後集

之吾弗能止將薄示抑馬以為學圖一日集其僚同 敦之而况守土之吏有職存馬者哉惟克之屬州縣學 春適有入貨為儒官之令侯曰是今出士無志者將 拊循略定即修府學復建鄉賢名宦之祠而余訓導信 某通判某推官某及屬吏師生而謀爲愈曰宜哉而士 至函以學廢告侯侯請諸監司皆報以非時未果今年 二十有七而滋陽通以廢稱特甚乃正德癸酉沔陽童 旭以户部郎中來知府事於是短南夷而荒繼之候

飲定四車全書 思 农奉堂後集 |燕息之合為習射之園以至倉庫庖温諸制悉備衣冠 於 請與那 庠輝映觀者為魯邦之觀於是為稱訓導君 以侯修復之功不可忘也乃走書幣不遠數千里以記 各應儀式後為明倫堂為两齊為講堂為會饌之室為 今堂六楹間中肯公像見而衮服儼然臨之庭無門皆 丈所越三月功成學惟復聖公顏子廟實以封國玄故 亦樂承侯意凡得白金若干两乃聚材鳩工以成畫授 知縣繼祖卜日興事撒敝構而廣厥基凡廣義若干

則廟孟而滋陽則廟顏蓋猶國故之意創於洪武十 賢為先師其制於天下久矣乃若嘉祥學則廟曾鄉學 其當兵荒之後與兹大役而公私無擾非才與力兼 **懒邑也候於學事能不以多盗廢令歌歷既久來收** 屬某某音奉韶視學江西侯以進士知瑞之上髙上高 先師而無常奉自先聖吾夫子而以顏子以下四 惟厥時不足以與此子於是乎重嘉馬古者學有先 將與學為天下先是固侯说道之夙志無足異者獨 有 而

k

列於後 处色印印心等 一博士弟子有常肄矣某無庸者其諸董役者之職名具 下固侯之所願也故因記而報及之若夫國章古訓 經師且猶未屑而况其下乎如是而稱魯之君子於天 賢而聖固其所也充其所志雖高識如两生博聞如諸 子周子稱顏子發聖人之益以教萬世謂士之學必由 八年迄今若干年而新作馬完且美而惟舊馬仍禮也 一緒生生聖人之鄉斯遊斯歌瞻仰在告實得我師 容春坐後集 Ŧ 則

亭於惠山之麓曷為以海天名山有泉發自嚴實涯而 金好吃吃人 海天亭記

為池七池相注東入於溪北東百里入於江又東百餘

是吾泉至是極乎望而不見則仰天以欺嘯咏而歸山 吾纓而樂之因思其所歸馬登高而東北望曰海其在 里入於海海泉之所歸也吾嘗觀泉於池徘徊鑑影濯

之權於是乎亭亭成之明日予與客登之語之以其故

復韻而歌之歌曰兹山今我泉始流兮涓涓東行兮何

流兮山中日流兮日東彼東海兮伊邇吾含此兮馬從 喟天真真兮雲深深登兹亭兮勞我心客有和者曰泉 極指滄海以為淵逝畫夜兮不舎又馬知兮歲年吾窮 源兮思委方在此兮忽彼望夫海兮未見見雲天兮與 之見兮未見其止海際天兮天有光遠在彼兮近吾汪 源之委兮朝復宗子不聞兮古人曰有本兮如是孰進 知子者謂子之有望不知子者謂子為荒海滙然今天 方予聞而使反之飲泉而退 容春堂養素

强灾四库全書 一誇而去則又慨然曰功未酬而誇興誰與尸者於是重 馬者哉李君之功於是為大矣既而聞李侯以城故得 其難也則又數曰是未及其千一其難且爾况創馬成 之曰壯哉城李君之功也既而見其壞者而修之而 與其家盤屋范侯澤餘干胡侯守青城王侯釣登而 南京刑部郎中來沿馬於是郡之城修建者六年矣侯 郡守渤海李侯嵩既去之三年今守宜賓王侯教以 懷李樓記 Ŧ 知

書以榜之曰懷李若將代邦人君子言之者而屬某為 次定四車全書 非異人出危警而逸忘近感而久定恒物之情固其然 是之功不難於經畫督率而惟任怨為難然方其任怨 為公論惜之謂西門為侯所去途也乃即其門之樓大 而去位也亦惟失民是戚亦不圖有懷之者夫懷與誇 而從事也亦惟勞民是懼固不虞有謗之者及其受謗 益勤烏乎是固吾意也昔者城成吾當為李侯記之謂 記且託言於徐訓導淮中之以郡諸生陸輅陳表再而 客春里後集 Ī

背侯城兮勞心民有怨兮侯則任城既成兮侯去晉陵 思告侯兮不見見今侯兮在樓此其城兮吾何憂 固分江深今侯來分思昔榜高樓分翼翼民有心分 子病餘荒於文既謝不敏乃代民作歌為侯誦之歌 底官乃和吾侯可謂能廣其讓矣若同時馬不有濟乎 乎非良後政能其知之而能敢昌言之書曰推賢讓能 知望周行兮何極今之侯兮非告侯觀民風兮紀春 世有指議前政而自矜其代者聞侯之風可以赧然矣 曰

天足四事人馬 讓國而東也實始關是土人之克即禮義非泰伯其 無把固宜其然侯曰若是哉民之迂且固也皆泰伯 此乎或曰鄉者祀於斯歲時朔望若更初至謁皆於斯 甚嘆而謂從吏曰此至德之聖也國有祀馬而廟乃如 色庆止者两月當道泰伯廟下入而謁馬見其無地已 吾郡貳守范侯以提學憲臺檄來沿我修學也實於吾 廟亦嘗餘矣自新廟於梅村之墓祀移而謁遂廢廟之 容春堂後集

金少四屋石雪 ·鳩功而責成於署邑事者明日侯訪某於二泉精舎具 弗修修之此其時乎抑吾斯舉所謂為之北者寧亞圖 圖之弗可一日緩也別惟至德之聖邦人具依廟其忍 弗時亦既於斯從事矣廟將有修者侯曰政於義弗安 人之廟無比而若罔聞知可乎或曰近一二歲以祀之 夫豈不可而必梅村之之也學官之修賢士與馬有聖 啓之墓之廟也以存故也而祀仍於邑習我吏民於敬 之猶有繼馬與其故也言訖遂以成畫授二看民吃物

次定四車人生事一公本堂後非 意益至九人被山虞薦發氏實釐而正之損五人益一 無錫縣儒學之有五賢祠肇自宋李其初四人繼或以 户部左侍郎邵某記 侯名澤字汝霖陝西盩屋人署邑事者縣处高唐雲升 正德辛丑夏五月廿有二日至秋七月既望告成乃書 語其故某起而揖曰侯之言是也某當為侯書之是惟 人是謂五賢五賢者為龜山先生文晴楊公玉泉先生 無錫縣儒學復五賢祠記 Ē

齊先生將公良貴位則龜山中而南西四君子者東西 **展少游於斯讀尤徐之文嘗謂是祠一失則泛再失** 龜山則有間矣君子之論馬可誣也成化中祠再華武 多且遂並列無配今考其人其不節具章成而其道於 列馬事具尤棟氏所為記歷元入國朝以意益馬者尤 喻公子才遂初先生尤公此之小山先生李公元德實 功伯東海徐公記馬於五賢之承傅履歷詳矣而他不 一及此其意蓋猶夫被山也然而班簉如故弗革益加

金グロルと言

舊 祠 祠之謂之鄉賢邑博士唐他卿劉景儀鄭大節謂 次足四年 在馬 某實先斯議不可無記乃率其弟子某等來請昔韓子 者如虞氏釐正之式復其榜曰五賢凡後所益者則於 汝霖擇地尊經閣後為堂四楹中龜山而從以四君子 之曰人之言然益亟圖之於是屬吾郡貳守盩屋范侯 之居以修我學官人或以是為言汝立乃問於某某謂 正德丁丑夏督學御史安成張君汝立毀諸尼若女兒 雜泛可裁也雜不可辩乎蓋重瞻重興嘆而莫可告者 容春堂後集

蓋繁其人而四君子者深矣是祠是配其將自龜山以 伯延陵之風於是止而進修馬追惟其時及門若私淑 稱求觀聖人之道者自孟子始孟子後千餘年而两程 金好口屋台書 皆之君子遠矣今之君子為其雜也而以名實立辯馬 求程子乎其自程子以求聖人之道亦將於是乎在書 道而南者也其在無錫久至十有八年說者謂其嘉泰 子繼之今之求道者不當自程子始乎龜山傳程子之 曰什高自下陟遐自邇斯舉也其有之是故裁泛以義 卷二 死已日年八三 中前陳几敷席設馬炬東西各為二室顯高祖叔安處 典以廟稱禮也廟之制為屋四楹間遵今制上中虚其 成作者玄孫户部左侍郎寶自高祖至於寶皆適於禮 惟皇明正徳十年秋九月丙戊胜冉涇邵氏新作家廟 亦皆之君子之志也雖然非賢督學其孰與成之丁丑 月朔具官某記 小宗寶不肖像福於祖嘗歷官內外二品三品遵國 冉淫邵氏家廟碑銘有序 容春堂後集

一為二夾室東藏遺書服器西蔵祭器外為門中庭為閣 一時祭遷主於中室前高祖南向曾祖東向祖西向考東 右副都御史純和府君居西西室盖稽古昭穆之義四 室顯考皇贈奉直大夫許州知州加通議大夫都察院 皇贈通議大夫都察院右副都御史三益府君居東東 有事告時物薦皆於中室前若忌祭則各於其室東西 向逃下而南各一位祭畢還主若朔望謁若出入告若 士府君居東室顯智祖存一處士府君居西室顯祖考

金足四月白書

惟禮義是從有子有孫百世其崇之 維 禄 休維高及曾生於斯亦斯馬遊越後百年玄孫寶有 敢刻兹銘銘曰維冉淫水南東其流維我邵宗宅 既遷乃復維祖維考朝有命服乃作新官為族小宗 語於上凡所受動副及賜書皆在馬兹惟麗姓之 一年 生 是

容春堂後集卷二	- Programme in the second				多灾四库全書
集卷二				· ·	
					卷二章
24753					יידע

詳校官監察御史臣曹 坦

覆校官中書 臣康儀到 校對官中書臣楊世綸 膝録舉人臣史 堂

欽定四庫全書容春堂後集奏匹 集部 **欠己日日 しま** 冉涇邵氏族譜 N. 從伯祖廷珪手畫圖系馬因稍輯 矣吾祖自冉涇始志所知也冉 容春堂後集 員於南塘繼高之宗也幼 世族之衆散處者凡 明 邵賓 撰

金分四月多書 户部乃作四代家廟如典而容春府君則歲修冬至之 録以備觀覧及登第入官出入外内常以自隨再質於 者居可復也祀可舉也別兹譜之修其敢弗卒義起而 尚矣大宗之分非小宗之所敢與也然在我有不敢該 第即容春軒遺址闢為精舎又若干年賜告侍養歸自 知譜者凡若干年而後成編繼而獲復再徑故居為今 志從之其亦吾分爾哉寳不肖年且暮矣而道不加修 祀肇祀之歲羣宗咸會譜於是始刻惟君子之論宗法

九色回阜 公言 **簏堂續崇若干卷太師西涯先生李文正公致仕後所** 蒙遂於蘇郡刻之而屬某為序某當聞之道之在天下 學侍御張君汝立實與圖馬公卒之明年汝立復得是 著也公所著有麓堂前後豪者刻於徽郡公門下士提 故於譜也感謹書諸首簡正德乙亥秋九月肚七世孫 嗣稍未能承也族猶未能贈也盖為是處且懼者久矣 繼高小宗子具官實書 李文正公港堂續菜序 S 容存堂後集

金月四 端雅盛徳嘉誤上沃下敷澤被海內乃或當艱應處定 翰苑久而後登秘閣進位師傅歷三朝五十餘年高明 之者也是故道盡乎變而後可以言道文盡乎變而後 即物陳義惟其所當皆能極乎其所止雖其言篇篇 震稽疑所謂道者隱然在公之身故其為言弘行旁流 承顧罷儲養進修又十餘年學用大成既舉進士廻翔 其極至於萬變君子之言行以之文也者言之精而行 可以言文尚非其人則何以與於此公生四年以神童

にこう まこれず 唇公指教多且深矣東歸以來病餘閉居竊有所論如 為辯博者皆公門之棄也質不敏出公門下幾四十年 之理學否則荒於釋老否則雜於稗野自以為玄為達 知所以為之者有道哉文乎可謂能盡其變矣其卓然 之次馬資之下馬亦時取之如大將御戎不聞號令而 稱大家而為學者宗師有以也夫世固有承迁襲隱謂 而所謂道者錯然在馬蓋自六經至諸傳子史上馬進 , 鼓一麾無不如意如金之鑄於良冶造化自我而不 容养堂後集

金分四月全書 再涇邑城九箭河之一也西距弦河東连於弓河凡百 古稱三不朽公實兼之天下後世當有公論馬謹序 今有餘思馬敢以是為汝立復公德厚而彰功鉅而遠 此方將書以請馬而公已矣先是公當作信難遺寶乃 有幾十有幾丈中有橋通南北回冉涇橋歷歲既久橋 可跡予既復先世之居居當湾且塞處說者謂水 河尚可舟其西僅有一二済謂之河形又西河塞幾 冉涇圖序 卷三

人に日野かい 若干丈至於橋凡若干丈以栗傭力皆出自我時縣 侇 聽 無 西來鑿之可舟然其地僅有 曰橋 賈易之民余曰毀人以自便而 侠 君 乃鑿卷地陰為之溝道水東之既脱隘 以易 世卿 君 且椒不 擢 西街 請 秋官去少尹丁君世用方署篆來觀於河復 助子 可 濵 弗作此吾有司事公無與馬丁君備 河地 謝曰勞人以自省而可爲乎而 容春堂後集 便民舟泊者其可也越月鑿 卷所傍皆民居也或 可烏乎而不可謝 整為渠馬 29 不 O **今** 濶

金少世近台灣 月 兹 椒縣以公錢為河工助 材 官政吾以告富而 街 浚功成又越 廟成廟費白金百兩出者以子言故橋費白金六十 硇 石屬 繼 橋之東尚淺請籍兹力沒馬以便民舟其可也 廟 旬 レノ 今祠 諸匠經畫既定都水即中謝君邦 祠 其於何子 土之神今棟挠壁取益與橋 月橋成鄉人者老又謂子曰橋南故有 好義者於是助 卷三 子曰橋西河子為子鑿也無庸 曰然哉然吾力不能又不 者凡若干 同而弗 應以 视 人又 與旨 水 可 越

不有傳於今者乎傳馬而不能行何居知物知數天人 古樂之不作古之律不存於今也定律有道馬古之書 一十有二两出謝君子費栗百有九十有五石董是役 義民馬經都水分司暨郡縣皆檄之壽府長史致仕楊 两 公崇周實惟里居既有記刻石經復為之圖於是予序 精而虚平精白以尸之非有道者不足以與此吁嗟 出者以于君言故西河費十有六两出侯君東河費 19:11 律呂新書解序 1 谷年是发表 者

為書朱子序馬極其稱許至謂獨見超然千古一快然 當求知樂者於士益有以叔成言者會叔成領薦以 平既久行將制作以協釣韶當有知叔成而用之者子 有缺聞馬乃今見此盖叔成之所造者深矣我國家承 之他與人子弘治辛酉江西所舉士也於是子方校文 解也茶氏之書其将行乎何其悉而理也叔成名敌饒 迄今數百年矣曾未有得其堂與者吾觀張叔成之為 子若是其為之難也為之難言之亦難宋蔡季通氏當 

**副炭四庫全書** 

にこうえ したう 子姓名屬合為一帙而請法於姑蘇文徵明氏徵明風 字宗源者志在合族手録其先世文獻之詳及其兄弟 雖 史難矣譜豈易哉宜興李氏望族也其族有名士曰流 論族者喻諸水或源也或委也其為物不同其理一也 病矣雖知馬亦奚以爲爲之序而歸之 **叙偷叙而後恩義有所錯古之善族者先譜譜出於史** 然派馬沿馬派而別馬則存乎人是故譜修而後倫 宜興李氏族譜序 容泰堂後集

師 之 事核其例簡嚴君子謂徵明善譜謂宗源善族他日宗源 精史學見而嘉之乃為斟酌損益以成此編其文約其 正德甲戌冬十一月龍溪林君廷元自鎮江知府擢山 西按察副使而總理其學政越明年春正月璽書自京 以告於某某曰然哉宗源歸屬其族人崇德典史某刻 至将奉以行則用書告別於子予既作詩送之而其 送按察副使林君提學山西序

銀好四牌全書

學比予在户部君為郎中咨謀可否朝夕周旋者數月 音子初領江西視學之命今少傅吏部尚書邃庵楊公 荒落不能自副而又不能以已也則何以為乾德謀哉 予猶予之視君也君行而子言固若當然者顏子病餘 於是知君以政益至是歷數年矣而知益深故君之爱 江西之建昌予適遇馬而相論議者數日於是知君以 **信僚黎君乾德復以君意來請言初君以進士有事於** 在太常太子少保大學士介庵靳公在翰林皆辱為

大三日日 八十二

容春堂後集

Ł

遼庵公則謂學政當酌寬嚴之宜介庵公則謂學術當 擇是非之實夫政之寬嚴以人不以已術之是非以已 以贈果也不敏愧乎其言然至於今猶不忘也其大旨 金岁四屋有量 極玉石之辯亦無足怪者是故酌寬嚴之宜者存乎 不以人此則區區之有得於二公者也夫人非其徇之 謂非已是明則惟人之任矣尚有縣燭之疑則不能 而 不能成水火之濟無足怪者夫已非其任之謂而明 因之謂非人是因則惟已之徇矣尚無韋弦之戒

學者學為天下用也故官以綱紀師道存馬成諸己而 次定四草公島 而惟二公之意是述蓋監測而忘遠矣二公今天下之 次之修敏如君有不聞是乎子也莫助之爱無以致馬 養乎人其感乎振作之機固將有在矣而所謂章程者 有益凡齊量殷務進退羣材莫不是由獨學馬爾哉然 審是非之實者存乎識識以道充充則博博則精精則 元老也鎮江為其鄉都其知君固深於予予知君之能 何不辯之有權以德執執則定定則通通則何不濟之 容春堂後集

無錫之為縣舊矣在江之南為望至論其治或以為難 或以為易予亦持乎其間然予當以為邑之事莫大於 信之也於是乎言 明府侯侯考績詩序

無錫吏以賦告公曰於我乎徵書片紙付里胥民先期 候公馬公以進士出為邱縣與論才之頃以更劇來沿 |賦與訟觀乎賦訟而治之難易可見矣乃今徴乎明府

來輸舟奪港榜員爭塗門填除塞稅長執籌量窮日夜

欠已司己 江方 難易在人其在地乎始公之至予病未克謁越數日 吾又不信也吾知之矣令得其人則易不得其人則難 數年若問聞知者獨非此民乎有訟矣邑未終聽朝走 若是而謂之難吾不信也雖然前乎是者有賦矣通積 言而折刑責加馬退無怨言其聞風自己者什恒居九 而之他累數年而未已者獨非此民乎若是而謂之易 無休時自始輸至畢不踰五旬吏以訟告公曰於我乎 旬日一受牒籍志而行之不以屬吏及两造在庭數 容春堂後集

蓝崇法加於所畏則益嚴易是不治公禮法人也吾知 |亦惟其人當是時人皆以為易也二公而下難治之議 難易在人人孰為得得乎禮法而已矣吾嘗以是徵之 予曰邑之人有二君子好禮小人畏法禮加於所好則 過予精含坐論移刻而去予謂人曰邑其治矣或問故 起馬韓好古力學有循吏風項亦文雅易簡皆所謂有 前政洪武中有東平韓某惟其人正統中有永嘉項某 其必能以是施之民也或疑予言既久而後信之故曰 卷三

金为四周全書

灣成先生楊公謝壽藩輔導歸居錫邑者十有六年年 重者曰操履貞純器識遠大君子謂其言免寶病且僻 考三載巡按御史唐君與而在之其文多所稱重其最 禮法者公博學多聞文章法比皆稱精敏不知韓項二 序而歸之 不敢與聞政竊聞鄉大夫士有詩頌公遂以所嘗論者 公於公何如也公之政於兹總春有六月合邱之績當 灣成先生七十壽序

次定四車全事 一人

容春堂後集

者其祝如之益其意以其色足以起吾望也其聲足以 夕祝馬曰願久斯樹以蔭我也其東西南北相去數里 馬則聲聞數里益自始植於今數百年矣各其傍者朝 北有木馬其大數抱其高什之其陰四尺為步數百風 公或見而問馬曰何為其然也某曰吾昔為許許之東 幣敬者致詞莫不以上毒為公祝馬二泉邵某室鄰於 庠序游歌之士郊野耕牧之民道路行遊之人親者致 七十自其子女婦肾外郡邑之伯長里居之者俊與夫 たこのうこと 一愛之聞馬而愛之者情也以為度馬而愛之者道也其 何以異是公幼禀異資博極羣經子史而融會於心肆 表皆發乎天子感馬當為之說令公之毒而人之祝之 |與予聞而嘆曰斯水之在於斯也陰馬而愛之望馬而 式於是乎在故祝馬吾之祝之其諸異乎彼之祝之也 也過時不取用則脫矣予目望而心度爲以為棟混之 亦如之問之曰我國工也有水如斯所謂棟馬梁馬者 振吾耳也故愛之云爾間有執尋斧而過馬者其祝之 容春堂後集

其色而爱之者也道路行遊之人聞其聲而爱之者也 長伯里居之者俊陰馬而爱之者也郊野耕牧之民望 則馬所謂聲馬色馬於馬者則固其餘也是故郡邑之 木所謂棟馬梁馬非公謂耶世之求材者舎是奚所取 官其道可以行矣又未年而引馬終隱而不出譬之於 舉進士乃自請教授一郡既而簡擢國子監死以至今 剛直守道不為利疾不為勢挠行年四十始魁於鄉繼 口為言執筆為文皆城乎有章而尤留心於經世之務

金分四母全書

卷:

飲定四庫全書 人 莫之加也亦自致而已矣問者謂予言然請終祝之先 友之情也亦君子之道也然爱馬而莫之助也祝馬而 **壽亦未艾也蓋異地而同壽其道如是子是以前同夫** 全天地之委壽未义也登之清廟明堂則成天地之用 愛同如是其祝之同也不亦宜乎今國家有大管馬求 岸序游歌之士則取則於材馬而爱之者也其情異而 人之祝之而後獨致吾意爲爱以天下祝以天下此朋 材者日將取之不特以為則馬而已是故存之於野則 容春堂後集 ナニ

益欣咸半馬者而辭慶於客具陳義甚表而度子知禮 曰生日之慶非古也君子謂具慶者可行之子慈侍者 侍審庵公於宜與蓋謝客也數日還訪二泉子二泉二 老抑吾豈敢正月朔旦祇見太夫人已遂舟而訪吳禮 是公之子大邦謁子為毒公之序因書以歸馬 何忍哉吾先大夫未當及斯慶也吾何忍哉母在而稱 伯川子行年六十於禮稱看客將往慶之伯川子曰吾 伯川子辭慶客序

華也給事藏之甚班至其孫御史公汝敬正統甲子將 同寓京師倪屢索畫友石諾馬久之乃得此幅益得意 國則國人興年不於子慶而以禮之與為鄉人與國人 哉子大夫也子有禮言則人將與禮在鄉則鄉人與在 以為吾母慶 慶不亦可乎伯川子曰君子哉子之言也吾不敢當請 水樂初友石先生為中書舎人 王友石畫序 人與都給事中倪公克明

一次包里在每一

容春堂後集

行之先是武進業變司韶之輯斯録也亟視暫請序時 毘陵忠義祠録成之四年吾邑令平溪侯侯世卿始梓 将用實歸馬孟賢卒歸其從子正南正德辛未夏五月 見而心賞之嘗焚香再拜以觀楊誤孟賢為工部從子 赴鄉試留館主華以文為別後以文女歸陳用實遂携 通,50.匠人三 正甫以歸我間以視潘繼芳南言其故如此遂録以識 以來工部員外郎進之翁用賓仲父也以繪事妙一時 門陵忠義祠録序

質以致仕之命歸自漕臺既謝不敏未幾請祠命下實 ヒニョラハテラ 而著於今矣則何録之庸皆在宋德祐間北兵既深江 於庠校上於臺察而議於宗伯名而後請諸上詔俞馬 之序曰忠義何為而有録也者其所以祠也祠之舉起 事則按簡請校益中丞公實屬之實乃略加詮次而為 來屬中之以京兆尹白公輔之地官主事丁君元徳寶 時請養南歸諾馬而輟於病者二年於兹兹侯將從梓 起承乏户部司韶復致書令御史中丞秦公國聲以書 容春堂发集

是故録不容已也嗟夫國於天地有與立馬者忠義是 謂常為宋睢陽諸君子其巡遠乎非耶此其忠義之為 金与四月在書 出倡馬應馬雷行風動唯其所在城池馬於斯為險甲 有家來有墓碑有序跋哀弔諸作而尚論者於是乎徵 烈久矣乃若其蹟存乎國史史之外有郡邑志志之外 卒起任守孙城抗大敵力盡以死有餘慣馬文山公嘗 淮奔價退以吾常為徽益去亡無幾而姚陳諸君子倉 也忠義在人為道為志而氣實配之養自風成發由表

馬 とこりし ここ 與生者為而不知教道實行其間蓋如是而 謂元祀之稱秩九原之與歸皆隆往也往者無聞亦 與斃者非者人誰其以之故郡之有祠君子曰禮或者 兵馬於斯為利蓋此乎有不可犯者若夫成敗數則 後而箴規文告顧若有不能及者祠以一 而貞毅奮如是而奸 下鳥乎其微而遠哉司韶倡是舉而録以終之遂成 而吾治然之塞固不可泯也傳所謂雖無與立义有 **容春堂後集 邦懼俎豆尸** 祝於前頌歌慨 <u>ት</u> 郡5 偷 而 懦 風 喋 於 何

常城成勉強於江斯禮也其時哉因併著之 有曰尚期脫福益近殊思者大哉皇言其今之兆乎請 其姻友邵某某既謝不敏然嘗敬觀太宜人所受語詞 母王太宜人壽八十而康强如六十七十者邦之縉紳 户部即中錢君世恩得請歸養之七年為正德乙亥其 金好四犀全書 大夫士咸為世恩慶之世恩問所以為祝言之首者於 郡之書吾侯侯圖是之傳蓋天下之志也肇祀之歲 殊恩脱福詩序

這氣體日以繼日用能有兹壽於戲休哉書稱五福其 違數千里養雖豐未躬也未幾世思選今官疏請終養 九色印色 公子 |矣世恩率諸孫諸智孫若干人晨夕侍焉内承心志外 上墨其誠許之於是太宜人傅内政於諸婦者若干年 上恩國人稱福馬當是時世恩在朝太宜人在里第相 七十世恩署郎中於工部太宜人進令封饗其禄渥哉 人始封太安人饗其禄渥哉上恩國人稱福馬繼而壽 以是為祝先是太宜人壽六十世恩為禮部主事太宜 容春堂後集

職則命自上制上子之歸而子職其職壽於是乎有與 開錢氏之舉與有光馬敢述兹文太宜人前進士沂 是其何詞之以某也不徳方蒙賜告侍吾母太淑人養 日感之而日餐之而日还承之其奚窮乎故是馬祝舍 尋常萬萬者矣繼是今耄鳥期馬登乎上壽斯恩斯福 馬惟太宜人恩自上出福自上錫以今視音固有出於 保之在德而養以介之養子職也仕則有臣職馬有臣 曰壽說者謂福以壽而後享故是馬先然壽原於數

金好四月月重

**愈事貴州提學副使河南泰政至是長憲两浙凡歷中** 郯城入為工部主事改戶部進員外郎累遷河南按察 右布政使憲副江陰高君曾唯以予知元山請贈言馬 正德九年秋七月浙江按察使元山席君文同擢山東 同 世恩其仲也君子論德皆謂之稱詩凡若干首 元山始自蜀省弘治已 酉發解第二登庚戌進士出尹 知萬松公子也其配贈工部署即中南邱公其子則 送山東布政使元山席君序

アニョシ ニト

容春堂後集

t

為盛時若元山益無有之元山博經羣經而原性命 仲光氏其行已如其言蓋吾聞諸錢世恩氏陳嘉言氏 |經與權尤深於春秋蓋吾聞諸王克勤氏其為文章出 百五十年弘治中先皇帝在位治法隆古人才視嘉祐 |静為忠蓋一時之言也而士之為道具矣我皇明承平 口以通經學古為高口以救時行道為賢曰以犯顏諫 入子史粹然典則而先民是則蓋吾聞諸劉用熈氏胡 外若干年士望日起以著昔有論士於宋嘉祐之世者

一金 好四 犀 全書

卷三

已矣元山兹行其地牧也其再陟則卿也道行於卿而 於内牧家於外内分而受成外合而宣力要於阜民而 最晚會亦最陳而自謂知之最深又當見其所上災異 長巨藩道不於是而大行乎天下之大政有六馬卿倡 其行道其救時所謂兆馬而未大者也今既總憲而復 疏指切時事界數千言披露激烈有犯預諫諍之風馬 可以觀經濟馬子之為漕録也蓋多取之故於遇元山 其為書有漕船志者具綜理之才兼變通之識君子謂 谷泰堂後集

學古之效將於是乎在矣實不敏質馬以是贈馬亦以 南京某道監察御史麻城汪君端甫以三載考最勅贈 是元山北行過我於錫何以處我哉 之力致吾君於隆古之治則所謂行道救時以收平 有試馬以若所已試而有位於卿加以他日犯顏諫諍 具於牧吾兹為元山賀之元山通經學古者也柳先是 其父坦庵公如其官母某氏為孺人得命稽首拜受曰 恩思録序

**到好四庫全書** 

己こりっこい 教二州比境故實得與端南遊端南當述其父母之賢 南萃而成録緘以示實普寶為守於許而端南典鈞之 |賦詩以楊其美而且慰之君子為之題曰思思之詩端 及哉益端南於是乎有餘情馬大夫士之知端南者咸 禄以祭不如以養有官以贈不如以封悠悠我思料 父義方之教而各母克佐之也正則何以致之雖然有 再拜曰是惟吾先世之善慶而吾父克成之也是惟吾 是惟朝廷之渥恩臣正不才何敢當抑何以報既而泣 **衣奉堂後集** 何

京江西道監察御史至改令官前後凡若干年嘗監額 於是少師公位家宰端甫以知者薦召至京師節撰南 馬故少師馬公州人也稱為賢師三典文衛皆稱得人 聞端甫在釣州抗顏作範以振驕惰久而能恒師道立 實祀孔時嚴毅而負順若易所謂無攸遂在中饋者吾 若曰隱居養親博涉書史能為聲詩仁學和易犯馬而 母有之質聞之為之起敬以是知其善慶之有成也又 不校若易所謂肥逐貞吉者吾父有之躬難續謹饈餉

一部立四庫全書

卷三

言馬君子謂端南於是乎孝雖然親則不可作矣孝子 見之且有今名以震耀於永世端甫之心無幾態馬爾 夫冠冕以象之縣组以薦之金石以銘之其思也如或 之道敬共事君以迁後命重為親榮祭以大夫贈以大 歸德於親祭而思養馬贈而思封馬思之不已而形之 歸端甫馬觀端甫之自立而可以知義方之教矣今也 郡所至激揚得體且屢有建白皆擊國是稱名御史者 稅於內庫閱市肆於都城靖戎於閱藩站盗於畿內諸

次定四東小島 一

容春堂後集

歸都水郎中謝君印應方視水東吳見而梓之夫使之 都君元敬以禮部即中奉册封之命西如慶潘自京師 列國交將抗禮執言各愛其情故使之難如此今天下 重於君子尚矣孔子論使當有取於專對不辱當是時 至寧夏而復歷三時行數千里日記於是乎書比致政 使西日記記使事也正德癸酉令致政太僕少卿姑蘇 矣思思之思君子當繼其聲馬録不亦宜乎於是乎序 使西日記序 卷三

中屋有量

とこのえ こり 不辱者亦奚難之有是故君子重使不惟其事惟其人 何往非宜而獨使哉使使馬而當列國之特所謂專對 考閱可以觀學感且弔可以觀情具是數者則於天下 馬有賦詠馬有聽采馬有考閱馬有感且吊馬交際可 以觀義臨觀可以觀趣賦詠可以觀才聽采可以觀識 子猶是之尚者重命也抑致命之餘有交際馬有臨觀 無您儀越度於使稱矣所謂專對不辱今於何有而君 國四方無虞其在海外亦惟大君是尊敬承惟謹茍 存恭堂後集

|望設熊於堂儀物無備郡公縣候鄉大夫士至於姻友 始諸子輅軾轍請以聚質為公祝之春王正月吉日惟 是别有傳者兹不著 30 5 四库全書 謝山東總憲之政而歸明年乙亥公之年於甲子為復 博雅粹然文儒使乎未足以盡君君平生所著亦不止 松雲鶴逸詩者客賦以爲憲使吳公壽也正德甲戌公 不惟古人今之人皆然吾於君斯記也重嘉之君好古 松雲鶴逸詩序 巻ニュ

城禍養 晦家居嘗大書其熊室曰松雲鶴逸盖用自況 為鸞為孔雀為鶴而鵬則怪而荒矣故世之假人者修 請序夫鶴一鳥也自經傳以來見於紀載多矣率未嘗 詩公昔以夢鶴為別號先是數年公為監察御史逆瑾 **屋然果會能詩者賦馬君子什而題之曰松雲鶴逸之** 偉則於鶴曠遠則於鶴清高閉適則於鶴且志有之聖 乃今再起而復遂馬故賦者以之厥既成什輅等請予 有以凡禽視者蓋羽蟲三百六十而鳳凰爲之長其下 容春堂後集 Ē

然欲自見於天下詢之所露見者稱數而清詞麗翰落 中秋則鳴知中夜則鳴其於鳳德復有類馬逸而能久 隱而能彰為九舉之聞近而能遠為萬里之志然而知 大賢乎以位則鳳其君也鶴其大臣乎益其理如此故 人在位則與鳳凰翔於向是故以德則鳳其聖也鶴其 也久矣繼而遭際先皇帝臨御公由行人擢御史廷有 筆成章益自諸生至舉進士厥問日起其為九舉之聲 為千歳之壽亦固其理也哉公幼負異質博學而文慨

一 私 定 匹 庫 全書

卷二

嘗疏上公績既而總憲山東表然為庶僚綱紀萬里之 夜若秋長鳴而終舉之信哉乎公之於鶴也斯其深矣 志於是乎一試馬所謂鳳凰與翔者非是謂耶乃若知 屢至克捷今大司馬長洲陸公以御史大夫總制諸軍 山川舒曲天地園方一再舉而悉見之及簡擢憲副奉 こうこ **勅飭戎中州作鎮於曹維時記警孔棘公以雄才奇策** 公當為鶴謀必松馬與巢必雲馬與游鶴於是益有無 容春堂後集

目言臺有公議嘗出按於雲貴於河南風采震耀於凡|

立於朝者數十年蓋知公者莫如子碩子勿樂之初不 逸矣鶴乎鶴乎其謂公何祝公之詩以是興馬其可也 也雲蓋不知千歲之將至也以是為逸可謂天下之真 而有貞於道為仁鶴乎鶴乎周旋其間其靜也松其動 能與兹燕也請以是祝因以爲序 以是比馬賦馬其亦可也某與公同學且同舉進士同 心而冥會馬者今夫雲變而無方於道為智今夫松節 魁字舟序

一一一一 一 全書

卷三

安郡學獲觀馬而模之以歸有請府而揭諸吾學尊經 次定四車全書 !! 君子以是知斯文之將大顯也是歲秋八月丁祭後三 他乙亥邑令平溪侯侯世卿方崇學事字於是平始再 閣之下者予曰吾意也斯其稱馬爾矣越十有五年正 叩虚集者今致政壽府長史澹成楊先生所著也其名 日具官即某記 大魁字一宋丞相信國文公手筆也弘治辛酉予視吉 叩虚集序 容春堂後集

未二子出馬以明六經之道六經之道明則文之出於 尊川韓文而後復古之效乃至於今蓋歐陽之後有程 稱解子文起八代之衰若機之文蓋其所謂矣而先生 叩虚則先生所自命盖取諸晉陸機文賦語云蘇子瞻 六 經者固不得而易也歐陽倡六經之文程朱倡六經 而唐末五季至於宋初猶不能盡變馬至歐陽子出始 取之何居取其論而不取其所為文也夫文至韓子而 以其原於六經也其在當時變而之古功亦大矣然

大色日色 江方 庚戌進士自請教授金華擢丞南雅至今官以老其言 義而道德是歸益程朱之遺也其視所謂八代者先生 沒發條達有歐陽之體馬徐而究之其為言一宗乎仁 之道道於斯則文於斯顧論功者以道而文不與馬然 與世而棄馬先生之為道不亦博且光哉先生舉弘治 不惟不屑為亦有所不暇為矣而中虚之云顏不以人 辯博英邁凡所述作言以意出意盡則止而紆徐行拖 則文之在天下為之難論之亦豈易哉先生少敏力學 容春堂後集

|金岁四月全書 一行志節介直方嚴有符乎其人者君子觀其文可以知 忽指其地曰此有吉壤百歲後可為太夫人壽藏雖然 卿自蘭溪來予與之入觀觀己行山中西至聽松庵庵 其人矣集凡若干卷總若干篇某於先生始兄事之脫 幸隣並受益宏矣集之序先生屬馬其何敢辭 一绣领予草堂在馬去予世墓二百步許道卿左右視 之治精合於患山也歲丙子十一月始落馬適董道 送熊山人序

之不誣也明日予以語吾友憲使海洲異公公好言地 如道卿而加詳馬其稱中奉左右岡阜前後水沙去來 於是乎在予曰有若人乎幸為我必致之今年丁丑春 之吾今南歸以公命致之當來來則問馬其可與否將 諸郡有年矣自吾師楓山先生以下諸大夫士皆稱重 吾目力淺未若豊城能山人山人者挾其術遊吾金衢 二月山人至予與之達觀於山中如道卿之所之其言 會合皆本諸其書而妙出其目予雖不知地理知其言

法奉堂变集

一 好定匹库全書 之會有女之丧遂用其言以莫且為毒藏於青山惟山 理論者稱其精覈雖專門有所不及及見山人尤信重 洲盖取諸王勃氏滕王閣詩云 七月將西歸是冬期復來而請贈於子子遂叙以贈之 **未有號錫人謂山人盍請號馬山人以告予號之曰雲** 海洲公以下贈詩者凡若干人山人尚質有名與字而 之指於是山人之名在吾錫猶其在金衢諸郡也秋 勒雪倡和詩引 表! 三;

とこのう! したっ 将有意馬顧未當昌言於篇而徒以聲律是聞是固非 君子有遺風矣乃若南表脫節雪徵歲寒某也不敏亦 於息游戒寓於太康盟尋於久要而興寄於真率前輩 君乃刻而帙馬自是將有聞者矣夫事出於開服道擬 所敢先而徵諸他日其或不可缺也靜觀是舉抑亦有 而己非有意於聞也既而和者日多遂成巨卷靜觀施 之觀又三月爲雪之賞席間有詩一倡羣和凡以寫興 正德士申夏子得請侍養歸越四月同社諸君約為菊 容春堂後集 主

**愛好四月全書** 同予者乎遂復僣書諸首簡是歲冬十二月既望 容春堂後集卷三